

Baibulo ya ana
Ikupasilani



Mfumukazi
yokongola
Esitere



Yolembedwa ndi: Edward Hughes

Yojambulidwa ndi: Janie Forest
Alastair Paterson

Yotengedwa ndi: Ruth Klassen

Yotathauzidwa ndi: Tapiwa Maraira

Yo pangidwa ndi: Bible for Children
www.M1914.org

©2022 Bible for Children, Inc.

Chilolezo: Muli ndi ufulu wotenga ndi kuchurukitsa
makopewa koma osagulitsa.



Pa nthawi ina panali mtsikana wokongola dzina lake Esther. Bambo ake ndi mayi ake atamwalira, Moredekai yemwe anali msuweni wake wa Esitere anamulera. Esitere analemekeza msuweni wake pomumvera monga mwana wabwino.





Esitere ankakhala ku Perisiya. Koma Esitere sanali Mperisi. Iye anali Myuda. Makolo ake anabwera ku Perisiya monga akaidi ankhondo. M'nthawi ya Esitere, ku Perisiya kunali Ayuda ambiri.



Mfumu ya Perisiya
inachitira phwando
lalikulu akalonga ochokera
m'mayiko



osiyanasiyana.
Amunawo anadya
kupatulapo akazi
amene anali
paphwando ndi
Mfumukazi Vasiti.
Mfumu yoledzerayo
inalamula
Mfumukazi Vasiti
kuvala chisoti
chachifumu ndi
kusonyeza
kukongola kwake.
Mfumukazi Vasiti
anakana.



Pofuna kusonyeza kuti
akazi ayenera kulemekeza
amuna awo, mfumuyo
inapereka lamulo lochotsa
chisoti chachifumu kwa
Vasiti. Iye sanalinso
mfumukazi.



Anafufuza
mfumukazi yatsopano.
Pa atsikana onse
okongola a mu ufumuwo,
mfumu inasankha Esitere
kukhala mkazi wake.
Anamuveka chisoti
chachifumu pamutu pake.
Esitere sanauze mfumuyo
kuti anali Myuda chifukwa
msuweni wake anamuuza
kuti asatero.



Msuweni Moredekai anakhala
pakhomo la nyumba ya
mfumu kuti amve
za Esitere.




Tsiku lina anamva
atumiki awiri akunyumba
ya mfumu akufuna kupha
mfumuyo. Moredekai
anatumiza chenjezo
limene linapulumutsa
moyo wa mfumu. Atumikiwo
anapachikidwa, ndipo dzina
la Moredekai linalembedwa
m'buku la mbiri ya mfumu.



Wachiwiri kwa mfumu anali munthu
wachuma wotchedwa Hamani. Onse
anagwada pamene Hamani ankadutsa.
Aliyense - kupatula munthu mmodzi.
Monga Myuda, Moredekai
ankalambira Mulungu wamoyo yekha.



Hamani anadana kwambiri ndi
Moredekai moti anaganiza
zomupha iye ndi Ayuda onse a ku
Perisiya. Zowopsa bwanji!
Hamani woipa ananyengerera
mfumu kuti isaine lamulo
lakuti pa nthawi inayake
Myuda aliyense mu
ufumuwo aphedwe.







Linali lamulo loipa. Ayuda
ndi Aperisi onse analira.
Koma kumbukilani kuti
Mulungu anasankha
Esitere kukhala
mfumukazi. Ndipo iye
anali Myuda. Kodi
akanabisa chinsinsi chake
kwa mfumu? Kapena, kodi
akanatha kufa kuti
apululumutse anthu ake?



Mulungu anapatsa Esitere lingaliro lanzeru.
Anaitana mfumu ndi Hamani kuphwando. Kumeneko
mfumu inalonjeza chilichonse chimene anapempha.
"Mawa mfumu ndi Hamani abwere kuphwandoko,
mawa," anayankha Esitere. Kenako ankauza mfumu
zimene akufuna.



Pa nthawiyi, Hamani
anakonza mtanda waukulu
woti apachike Moredekai.



Usiku umenewo mfumu sinagone. Atawerenga
mabuku a m'khoti anaona kuti
Moredekai sanalandire mphoto
chifukwa chopulumutsa moyo wake.
M'mawa mwake, mfumu inafunsa
Hamani kuti, "Kodi munthu
amene mfumu ifuna
Kumulemekeza
achite chiyani?"




Hamani anasangalala
kwambiri. Iye
ankaganiza
kuti mfumuyo
ikutanthauza iye!





Hamani anabwera kudzapempha chilolezo kwa mfumu kuti apachike Moredekai. Mtanda wonse unali utakonzeka. Tsopano izo zikanakhoza kudikira. Mosangalala, Hamani anafotokoza maganizo ake. "Muveke


munthu wa mwinjiro wa mfumu ndi korona."





"Mkhazikitseni pahatchi ya mfumu.
Lamulani kalonga wachifumu kuti
atsogolere munthuyo kudutsa
mumzinda kuti onse awoneke."

"Fulumirani, chitiraninso Moredekai
Myudayo," mfumu inalamula Hamani.




Kodi mukuganiza kuti
Hamani anamva bwanji pamene
ankatsogolera Moredekai
polemekeza mzindawo? Anadana
kwambiri ndi
Moredekai
kuposa
poyamba.



"Ingodikirani," mwina Hamani
anaganiza motero. "Posachedwapa
Adzakhala atafa - pamodzi ndi
Ayuda ena onse."



Tsiku lomwelo, Hamani
ndi mfumu anafika
paphwando la
Mfumukazi Esitere.
Pempho lako ndi
chiyani? Mfumu
inafunsa. Iye sanaiwale
lonjezo lake. Poloza
Hamani, Mfumukazi
Esitere inauza mfumu
zonse zokhudza
chiwembu choipa cha
Hamani. "Mpachikeni!"
idatero mfumu.



Kenako mfumu inakhazikitsa lamulo lina lolola Ayuda kudziteteza. Iwo anapulumutsidwa! Moredekai anakhala wachiwiri kwa mfumu, ndipo Ayuda onse anakondwera, napatsana mphatso. Ngakhale masiku ano, Ayuda amakumbukira mmene Mulungu anawapulumutsira kudzera mwa Mfumukazi yokongola Esitere.



Mfumukazi yokongola Esitere

Nthano yochokera mu mau a Mulungu,
Baibulo,

opezeka mu

Esitere

"Polowela pa mau anu pamapasa kuwala."
Masalimo 119:130



Mapeto



Nthano iyi yamBaibulo imakamba za ubwino wa Mulungu yemwe anatipanga ndipo akufuna kuti mumdziwe iye.

Mulungu amadziwa kuti tima chita zoipa, zimene zimachedwa chimo. Chilango cha uchimo ndi infa, koma Mulungu anatikonda kwambiri ndipo anatuma mwana wake yekha, Yesu, kuzatifela pamtanda ndi kunzuzika chifukwa cha machimo anu. Ndipo anaukansa kwa akufa na pita kumwamba! Ngati ukukhulupirira Yesu mupempheni akukhululukileni machimo anu, azakukhululukirani! Adzabwera kukhala nanu, ndipo muzakhala naye kunthawi zonse.

Ngati mukukhulupirira kuti izi ndizoona, nenani ichi kwa Mulungu: Ambuye Yesu, ndikhulupirira ndinu mwana wa Mulungu, ndipo munakhala munthu kundifera ine machimo yanga, ndipo mulinso ndi moyo. Chonde, lowani mmoyo mwanga ndikundi khululukira machimo anga, kuti ndikhale ndi moyo watsopano, ndipo tsiku lina ndikakhale ndiinu muyaya. Ndithandizeni kukumverani ndi kukhala mwa inu ngati mwana wanu. Amen.

Welenga Baibulo ndi kuyankula ndi Mulungu matsiku onse!
Johane 3:16

